



Na osnovu Programa mjera za utrošak podsticajnih sredstava u oblasti poljoprivrede u 2024. godini na području Grada Zenica broj: 01-45-9079/24 od 22.04.2024. godine, Grad Zenica, putem Službe za privredu, gradsku imovinu i upravljanje razvojem, raspisuje:

JAVNI POZIV

za podnošenje zahtjeva za sufinansiranje nabavke nove mehanizacije, priključaka, aparata i druge opreme u poljoprivredi

I PREDMET JAVNOG POZIVA

Predmet Javnog poziva je sufinansiranje nabavke nove mehanizacije, priključaka, aparata i druge opreme u poljoprivredi.

II NAMJENA I IZNOS PODSTICAJNIH SREDSTAVA

Podsticajna sredstva su namjenjena za sufinansiranje nabavke nove mehanizacije, priključaka, aparata i druge opreme u poljoprivredi.

Ukupan iznos sredstava je 70.000,00 KM.

III PRAVO UČEŠĆA

Pravo na učešće za odobravanje sredstava za sufinansiranje nabavke nove mehanizacije, priključaka, aparata i druge opreme u poljoprivredi imaju poljoprivredni proizvođači koji nabave ili su nabavili dolje navedenu opremu u periodu od 08.09.2023. godine do dana podnošenja zahtjeva, a da:

- podnosioci zahtjeva niti članovi domaćinstva nisu koristili ovu vrstu podsticaja od Grada Zenice u 2023. godini, osim onih koji su nabavljali UV plastičnu foliju za platenike;
- imaju mjesečna primanja po članu domaćinstva do 1.000,00 KM.

Sufinansirati će se mehanizacija, priključci i oprema, kako slijedi:

1. Traktori, motokultivatori, balirke za sijeno, samohodne kosačice, kopačice, freze i priključci:

- u iznosu do 60% vrijednosti nabavljene mehanizacije i priključaka (maksimalni iznos podsticaja je 5.000,00 KM) za poljoprivredne proizvođače koji su registrovali poljoprivrednu djelatnost kao osnovnu ili dodatnu,
- u iznosu do 40% vrijednosti nabavljene mehanizacije i priključaka (maksimalni iznos podsticaja je 3.000,00 KM) za poljoprivredne proizvođače koji nisu registrovali poljoprivrednu djelatnost.

Poljoprivrednim proizvođačima koji su od Grada dobili sredstva za sufinansiranje kupovine traktora i motokultivatora u periodu 2017-2023. godine neće biti odobrena sredstva za kupovinu istih.



2. Aparati za mužu krava:

- u iznosu do 60% vrijednosti nabavljenog aparata (maksimalni iznos podsticaja je 600,00 KM) za poljoprivredne proizvođače koji su registrovali poljoprivrednu djelatnost kao osnovnu ili dodatnu,
- u iznosu do 40% vrijednosti nabavljenog aparata (maksimalni iznos podsticaja je 400,00 KM) za poljoprivredne proizvođače koji nisu registrovali poljoprivrednu djelatnost.

3. Laktofrizi:

- u iznosu do 60% vrijednosti laktofriza (maksimalni iznos podsticaja je 3.000,00 KM) koji su registrovali poljoprivrednu djelatnost kao osnovnu ili dodatnu,
- u iznosu do 40% vrijednosti laktofriza (maksimalni iznos podsticaja je 2.000,00 KM) za poljoprivredne proizvođače koji nisu registrovali poljoprivrednu djelatnost.

4. Oprema za navodnjavanje (sistem kap po kap, kace za akumulaciju vode, pumpe):

- u iznosu do 60% vrijednosti sistema (maksimalni iznos podsticaja je 1000,00 KM) za poljoprivredne proizvođače koji su registrovali poljoprivrednu djelatnost kao osnovnu ili dodatnu,
- u iznosu do 40% vrijednosti sistema (maksimalni iznos podsticaja je 700,00 KM) za poljoprivredne proizvođače koji nisu registrovali poljoprivrednu djelatnost.

5. Motorne prskalice za zaštitu bilja sa spremnikom:

- u iznosu do 60% vrijednosti prskalica (maksimalni iznos podsticaja je 500,00 KM), za poljoprivredne proizvođače koji su registrovali poljoprivrednu djelatnost kao osnovnu ili dodatnu,
- u iznosu do 40% vrijednosti prskalica (maksimalni iznos podsticaja je 300,00 KM), za poljoprivredne proizvođače koji nisu registrovali poljoprivrednu djelatnost.

6. Oprema u pčelarstvu (vrcaljke, SMS vaga, mješač za pravljenje pčelinjih pogača, električni mlin za mljevenje šećera):

- u iznosu do 60% vrijednosti nabavljene pčelarske opreme (maksimalni iznos podsticaja je 2.000,00 KM), za poljoprivredne proizvođače koji su registrovali poljoprivrednu djelatnost kao osnovnu ili dodatnu,
- u iznosu do 40% vrijednosti nabavljene pčelarske opreme (maksimalni iznos podsticaja je 1.300,00 KM) za poljoprivredne proizvođače koji nisu registrovali poljoprivrednu djelatnost.

7. Sušnice za voće, povrće i ljekobilje, sortirke, sirarski kalupi, pakirke za voće, povrće i ljekobilje, hladnjače (panel i rashladni uređaji):

- u iznosu do 60% od vrijednosti navedenih uređaja (maksimalni iznos podsticaja je 1.500,00 KM), za poljoprivredne proizvođače koji su registrovali poljoprivrednu djelatnost kao osnovnu ili dodatnu,
- u iznosu do 40% od vrijednosti navedenih uređaja (maksimalni iznos podsticaja je 900,00 KM), za poljoprivredne proizvođače koji nisu registrovali poljoprivrednu djelatnost.



8. UV plastenička folija:

- u iznosu do 60% vrijednosti nabavljene UV folije za površinu plastenika od 200m² (maksimalni iznos podsticaja je 400,00 KM), za poljoprivredne proizvođače koji su registrovali poljoprivrednu djelatnost kao osnovnu ili dodatnu,
- u iznosu do 40% vrijednosti nabavljene UV folije za površinu plastenika od 100 m² (maksimalni iznos podsticaja je 250,00 KM), za poljoprivredne proizvođače koji nisu registrovali poljoprivrednu djelatnost.

NAPOMENA:

Podsticaj se može ostvariti samo za jednu od gore navedenih stavki. Mehanizacija, priključci, aparati i druga oprema koja je nabavljena na lizing, polovna ili putem komisijone prodaje neće se uzimati u razmatranje i zahtjev će biti odbijen.

IV OBAVEZNA DOKUMENTACIJA

Uz zahtjev za podsticaj podnosilac treba dostaviti sljedeću dokumentaciju:

1. Ovjerenu kopiju Rješenja o registraciji (za registrovane obrte) za navedenu djelatnost;
2. Račun ili predračun o nabavci na ime podnosioca zahtjeva s fiskalnim računom za kupljenu mehanizaciju, priključke, aparate i drugu opremu (član 107. Pravilnika o primjeni zakona o porezu na dodatu vrijednost „Službeni glasnik, BiH“ br. 93/05, 21/06, 60/06, 6/07, 100/07, 38/08, 65/10), original ili ovjerena kopija,
3. Ovjerenu izjavu podnosioca zahtjeva da nabavljena mehanizacija, priključci, aparati i druga oprema u poljoprivredi neće biti prodana ili otuđena u periodu od 2 godine od trenutka dobijanja podsticaja,
4. Ovjerenu kućnu listu,
5. Za sve punoljetne članove domaćinstva potvrdu o mjesečnim primanjima (zadnja tri mjeseca), potvrdu Zavoda za zapošljavanje ili potvrdu o školovanju, a za one koji nisu na evidenciji Zavoda za zapošljavanje kopiju zdravstvene knjižice,
6. Potvrdu o otvorenom aktivnom računu,
7. Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerenje o izmirenim dospjelim poreskim obavezama za tekuću godinu (original ili ovjerena kopija).

Obrasci zahtjeva za prijavu na Javni poziv se mogu preuzeti u kancelarijama broj: 319 i 322.

Sve dodatne informacije u vezi sa Javnim pozivom se mogu dobiti u Službi za privredu, gradsku imovinu i upravljanje razvojem Grada Zenica, na brojeve telefona 032/447-706 i 032/447-708, svakim radnim danom od 07.30 do 16.00 sati.



V PROVOĐENJE POSTUPKA PO JAVNOM POZIVU

Postupak po Javnom pozivu provest će Komisija koju će imenovati Gradonačelnik.

Zadatak Komisije je:

- pregled prispjelih prijava i službena provjera upisa i ažuriranja u Registru poljoprivrednih gazdinstava i Registru klijenata,
- evidentiranje kandidata koji ispunjavaju uslove iz Javnog poziva,
- izrada zapisnika o radu i sačinjavanje preliminarne liste korisnika.

Preliminarna lista odabranih kandidata se objavljuje na oglasnoj ploči Grada i službenoj web stranici. Na preliminarnu listu, korisnici imaju pravo prigovora u roku 8 dana od dana objave na web stranici Grada koji se podnosi u pisanoj formi Komisiji za rješavanje prigovora po Javnom pozivu putem Službe za privredu, gradsku imovinu i upravljanje razvojem. Komisiju iz prethodnog stava ovog člana formira Gradonačelnik na prijedlog Službe za privredu, gradsku imovinu i upravljanje razvojem.

Nakon razmatranja prigovora, Komisija sačinjava konačnu listu te istu dostavlja Gradonačelniku na potpis. Grad Zenica će sa odabranim kandidatima zaključiti ugovor o dodjeli sredstava kojim će se regulisati međusobna prava i obaveze. Nepotpune i neblagovremene prijave se neće uzimati u razmatranje.

VI NAČIN I ROK PODNOŠENJA PRIJAVA

Prijava na Javni poziv podnosi se dostavljanjem obavezne dokumentacije naznačene u Javnom pozivu u zatvorenoj koverti na protokol Grada Zenica ili putem pošte, na adresu:

GRAD ZENICA

Služba za privredu, gradsku imovinu i upravljanje razvojem

Komisija za provođenje Javnog poziva

Trg BiH 6, 72000 Zenica

sa naznakom:

„Javni poziv sufinansiranje nabavke nove mehanizacije, priključaka, aparata i druge opreme u poljoprivredi -NE OTVARATI“

Rok za predaju prijava je 30 dana od dana objavljivanja Javnog poziva na web stranici Grada Zenica, odnosno do 29.06.2024. godine. Prijave dostavljene nakon navedenog roka biti će razmatrane jedino u slučaju da poštanski žig ukazuje na datum slanja prije zvaničnog isteka roka. Na poleđini koverta obavezno naznačiti ime i prezime lica koje podnosi zahtjev, adresu i kontakt telefon, a za registrovane obrte i pečat.